


GO THOMA KGWEBO: GO DELIBA DIKOTA

Mareo a hlalošitšwe gabotse godimo ga kerafo



Ye ke kanegelo ya Palesa le kgwebo ya gagwe ya Dikota. Palesa o nyaka go dira tšhelete. Tšhelete ye a e bolokilego e ka se tšeye lebaka le letelele. Motseng wo a dulago gona, batho ba be ba tšhaba go tšwela ntle go ya go reka dijo, ka nako ya kiletšo ya mesepele. Ka fao, o ile a ba le kgopolo! O reng a sa thome kgwebo ya gagwe ya go deliba Dikota. Pele ga ge a thoma, o ile a dira dipeakanyo.

Kerafo ya Letseno le Ditshenyegelo



Letseno

Tšhelete ye e lefšago kgwebo goba motho go dithoto tša gagwe le ditirelo.


Go fa mohlala, tšhelete yeo Palesa a e hwetšago go Dikota tša gagwe le go di deliba.

Ditshenyegelo

Tšhelete yeo e tlogo šomišwa go sepediša kgwebo le go dira le go deliba setšweletšwa goba tirelo.

Go fa mohlala, tšhelete yeo Palesa a e šomišago go datha, go sanithaesa, go hiriša khitšhi le go reka ditswaki tša go dira Dikota tša gagwe, ka moka ke ditshenyegelo.

Kerafo ya mehuta ya Ditshenyegelo



Ditshenyegelo tša go se fetoge

Ditshenyegelo tša go se fetoge le ge e le gore Palesa o dira Dikota tše ntši, ditshenyegelo tše di dula di swana. Tše ke ditshenyegelo tše di ka se fetošwego gabonolo gomme ka tlwaelo di lefelwa kgafetšakgafetša, go swana le beke ye nngwe le ye nngwe, kgwedi ye nngwe le ye nngwe, goba ngwaga ka ngwaga.


Go ya ka Palesa, ditshenyegelo tša gagwe tša go se fetoge ke tša go reka sanithaesa le datha, tše di mo jelago R250. Go sa kgathale gore o dira dikota tše kae, ditshenyegelo tše di dula di swana, ka ge go laeditšwe ka mo kerafong.

Ditshenyegelo tše di fapafapanego

Ditshenyegelo tše di fapafapanego di a fetoga ge Palesa a dira Dikota tše ntši.

Gore a dire Dikota tše 10 o swanetše go ba le ditswaki tše di jago R140. Ge a dira Dikota tše ntši o dira ditswaki tše ntši tše o swanetšego go di reka, gomme se se ra gore ditshenyegelo tša gagwe tše di fapafapanego di a oketšega.

Kerafo ya Letseno le Ditshenyegelo le Letseno ge o ntšhitše Ditshenyegelo



Tahlegelo

Ge ditshenyegelo tša go dira palo ye itšego ya dilo e feta letseno leo o le hwetšago ge o rekiša dilo tše.

Tekatekano ya letseno le tshenyegelo

Se ke ge go sa dirwe poelo goba tahlegelo.

Ge re šomiša kgwebo ya Palesa bjalo ka mohlala – tekatekano ya letseno le tshenyegelo ke ge ditshenyegelo tša go dira kgwebo le ditshenyegelo tša ditswaki di lekana le letseno, leo a le dirago ge a rekiša Dikota.

Poelo

Ge ditshenyegelo tša go dira palo ye itšego ya dilo di le fase go letseno leo o le hwetšago ge o rekiša dilo tše.

Palesa o dira poelo ge a dira tšhelete ye ntši go feta yeo a e šomišago go dira kgwebo.

